

96 Insuper, si aliquando prædicti Commissorum commissi, sibi ab alijs Fratribus, vel Oblatis eiusdem Ordinis traditas literas ad prædictum Generale Capitulum deferre noluerint : neque similiter locales commissi ad Capitulum Prouinciale : nec etiam aliqui alij Fratres, aut Oblati ad Correctorem Generalem, vel ad proprios Vigiles, aut Prouinciales ; vel aliquandò literas ipsas combusserint, aut dissipauerint, vel aperuerint : voce actiua & passiuà per annum priuentur, vel grauius puniatur iuxtà deliberationem Generalis, aut proprii Vigilis, vel Prouincialis. Simili poena etiam plectantur quicumque Fratres, qui sibi à Generali, vel proprijs Vigilibus, aut Prouincialibus, vel eorum Vicegerentibus traditas literas, aliquibus alijs eiusdem Ordinis Fratribus, aut Oblatis, aliquandò portare noluerint : pariformiter puniantur præfati si literas ipsas sibi taliter traditas dissipauerint, violauerint, aut aperuerint, vel portari impederint.

*in const. Cle 8.
supra casu re-
seruat.*

97 Insuper, nulli huius Ordinis Prælatorum Socij, absque Superioris sui licentia mittant, neque scribant, neque aperiant aliquas literas ; nisi pro vt inferius, determinabitur. Siquis verò de contrario legitime conuictus fuerit : in sui Prælati, vel eo superioris proximiori Capitulo debite corrigatur. Singuli autè Prælati (prius etiam non habito suorum Collegarum consensu) quibuscumque personis scribere poterunt : nisi eis aliquandò per suos respectiue Superiores id ipsum prohibitum foret. Vbi autè simul vnanimiter contradicerent dictorum Prælatorum Socij, quòd ipsi Prælati nonnullis personis, de hoc Ordine non existentibus, scriberent : nunc per eiusdem, vel proximioris Conuentus capituli, seu maioris, ac sanioris eius partis diffinitionem, & determinationem charitatiue, matureque mitigari valebit eorum differentia huiusmodi. Et ita semper charitatiue, prouidèque fieri poterit, in omnibus, ac singulis differentijs inter quoscumque Prælatos, & eorum Socios, vbiuis pro tempore subortis. Reliqui verò Fratres, ac Oblati : qui absque sui Superioris licentia, alijs eiusdem Ordinis Fratribus, aut Oblatis scripserint : per ipsum Superiorem, acriter puniantur. Veruntamen, quotiens expediens fuerit, poterunt quicumque Fratres inferiores suis Prælatis scribere : ac è contra ipsi etiam Prælati quotiens volue-

*Suprà Correct.
35. & 83.*